



KANTON SARAJEVO U 2020. GODINI

20ZA20
KANTON SARAJEVO

KANTON SARAJEVO U 2020. GODINI

20 ZA 20
KANTON SARAJEVO

Naredna, 2020. godina, bit će godina prekretnice u Kantonu Sarajevo.

Jasan cilj ove Vlade jeste da donese pozitivne promjene u svakodnevni život naših građana, koji na to čekaju već nekoliko desetljeća. Građanima Kantona Sarajevo treba:

- Brz, siguran i moderan gradski prevoz
- Čist, uredan i manje zagađen grad
- Bolja prometna povezanost kroz izgradnju novih i rekonstrukciju postojećih saobraćajnica
- Povoljniji poslovni ambijent za otvaranje novih i razvijanje postojećih firmi
- Veće mogućnosti za zaposlenje i ostanak u BiH
- Sigurniji grad sa manje kriminala
- Zajednica koja će se brinuti o ugroženim sugrađanima
- Grad koji će biti lider u ulaganju u nauku, inovacije i nova znanja


U prijedlogu Budžeta Kantona Sarajevo za 2020. godinu, osigurano je 989.264.434 KM. Od ovog iznosa, za tekuće transfere predviđeno je 207.152.142 KM. Obzirom da želimo osigurati bolju prometnu povezanost i unapređenje svakodnevnog života naših građana, za kapitalne projekte osigurali smo rekordnih 457.141.259 KM i to 159.832.719 KM kroz Budžet Kantona Sarajevo, a 297.308.540 KM kroz ino zaduženja. Ako bi zasebno izdvojili kapitalne izdatke iz Budžeta Kantona Sarajevo to bi značilo da na svakih 10 KM iz Budžeta Kantona Sarajevo, izdvajamo dodatnih 5,5 KM za kapitalne investicije kako bi donijeli pozitivne promjene našim građanima.

Stoga, kako bi doveli do pozitivnih promjena i osigurali bolji, ugodniji i sigurniji život za naše građane, odredili smo pet oblasti za realizaciju naših mjera:

- BOLJA PROMETNA POVEZANOST
- UNAPREĐENJE SVAKODNEVNOG ŽIVOTA
- NOVA RADNA MJESTA
- ZDRAVIJE I SIGURNIJE ZAJEDNICE
- PAMETAN KANTON SARAJEVO

BOLJA PROMETNA POVEZANOST


- Ulažemo u bolju prometnu povezanost. Za I i IX transferzalu obezbjedili smo 68.649.633 KM, a za nastavak gradnje Južne longitudinale 22.883.211 KM. Također, za gradnju nove zgrade na trasi Južne longitudinale, obezbjedili smo 5.000.000 KM. Osigurano je i 12.213.078 KM za rekonstrukciju, rehabilitaciju i investiciono održavanje puteva i mostova.
- Pored ulaganja u izgradnju i rekonstrukciju saobraćajnica, u cilju osiguravanja bolje povezanosti naših građana, Vlada Kantona Sarajevo planira nastaviti subvencionisati troškove prevoza za učenike, studente i penzionere. Ukupna subvencija će iznositi 30.720.000 KM sa uključenim finansiranjem za unapređenje održivosti GRAS-a.
- U nabavku i obnovu voznog parka planiramo investirati 68.649.633 KM. Pored toga u remont autobusa, trolejbusa i mini buseva, planiramo izdvojiti 1.000.000 KM.
- U 2020. godini krećemo sa rekonstrukcijom i obnovom tramvajske pruge od Baščaršije do Ilidže za što smo predviđeli 45.766.422 KM, te gradimo potpuno novu tramvajsку prugu prema Hrasnici u dužini od 13 kilometara, gdje smo osigurali 34.324.816,50 KM.
- Također, sa 11.441.605,50 KM planiramo rekonstruisati trolejbusku mrežu prema Vogošći, a isto toliko, dakle 11.441.605,50 KM planiramo uložiti u obnovu voznog parka za trolejbusku mrežu prema Vogošći.
- Pored inicijalnih sredstava od 9.400.000 KM u ovoj godini za izgradnju i opremanje 20 tramvajskih stajališta, te uvođenje elektronskog sistema naplate, u ovoj narednoj godini je planirano dodatno izdvajanje od 1.000.000 KM.
- U projekt obnove voznog parka za javni linijski prevoz putnika ulažemo 34.324.816,50 KM. Ukupno stiže 20 novih tramvaja i 25 novih trolejbusa.



Hrasnica




Vogošća



20ZA20
KANTON SARAJEVO

UNAPREĐENJE ŠVAKODNEVNOG ZIVOTA



- **Štitimo naše porodice.** Za zaštitu porodica sa djecom izdvojiti će se 31.336.365 KM, a za zaštitu civilnih žrtava rada 15.500.000 KM. Proširujemo obuhvat zdravstvenog osiguranja na svu djecu, povećava se broj korisnika po osnovu više stope primanja i ublažavaju kriteriji, te uvećavaju jednokratne naknade za socijalno ugrožene porodilje na 1.000 KM.
- **Pomažemo ugrožene.** Za programe socijalne zaštite izdvajamo 18.921.250 KM, a za raseljena lica i izbjeglice 1.050.000 KM. Predviđeno je i povećanje džeparca za oko 1.000 osoba na smještaju u različitim ustanovama i drugim vidovima brige.
- Povećava se osnovica za socijalne naknade za dodatnih 5% za oko 23.000 korisnika.
- Za prošireni obim **prava ratnih vojnih invalida** sa područja Kantona Sarajevo izdvajamo 4.270.000 KM.
- **Javnim kuhinjama** osigurali smo kroz sufinansiranje 2.170.700 KM, a za izgradnju prihvatilišta za prosjake i skitnice 300.000 KM.
- **Pomažemo institucije kulture.** Za projekt izgradnje Univerzitetske biblioteke, izdvojiti će se 39.801.140,50 KM. Za projekte iz oblasti kulture planiramo 808.400 KM. Za rad Narodnog pozorišta osigurali smo 450.000 KM, Umjetničke galerije BiH 81.000 KM, Kinoteke BiH 70.000 KM, Sarajevo film festival 242.000 KM, Zemaljskog muzeja 300.000 KM, Historijskog muzeja 86.000 KM, Jazz Festa 44.000 KM, Ars Aevi-a 100.000 KM, Muzeja književnosti i pozorišne umjetnosti 70.600 KM, Akademije nauka i umjetnosti BiH 1.300.000 KM i Narodnu i univerzitetsku biblioteku BiH 180.000 KM.
- **Brinemo se o borcima i njihovim porodicama.** Po prvi put, osigurana je novčana egzistencijalna naknada demobilisanih boraca u iznosu od 2.400.100 KM. Osigurali smo 2.400.100 KM za jednokratne pomoći boračkoj populaciji, 3.252.000 KM za mjesечne transfere, te 1.360.000 KM za sredstva za zdravstvenu zaštitu boračke populacije.
- **Jačamo sport.** Sufinansiramo izgradnju sportskih centara sa 900.000 KM, vrhunski sport sa 2.000.000 KM, a takmičarsko - razvojni sport sa 2.111.100 KM.

NOVA RADNA MJESTA



- **Za podsticaj razvoja male privrede** izdvajamo rekordnih 5.280.000 KM.
- **U razvoj poljoprivrede** ulažemo 4.800.000 KM.
- **Nastavljamo podršku razvoju IT industrije** sa 150.000 KM.
- **Za projekte zapošljavanja mladih** planirali smo 1.500.00 KM. Pored navedenih sredstava kroz projekte JU „Služba za zapošljavanje Kanton Sarajevo“ očekujemo ulaganje desetina miliona KM.
- Krećemo sa reformom **oslobađanja privrede od parafiskalnih nameta**. Ukinemo naknade za opće korisne funkcije šuma (OKFŠ).
- **Nastavljamo voditi brigu za branionice** i članove njihovih porodica. Za podsticaj njihovog zapošljavanja osigurali smo 300.000 KM, te dodatnih 300.000 KM za dodjelu pozajmica za otvaranje novih radnih mjestva za borce.
- Sufinansirat će se dio zakupnina poslovnih prostora u Privrednom gradu Skenderija u iznosu 250.000 KM.
- Podržat će se projekti KC Skenderija i KJKP PD Butmir ukupno sa 450.000 KM.

20ZA20
KANTON SARAJEVO

ZDRAVIJE I SIGURNIJE ZAJEDNICE



- **Brinemo se o okolišu.** U energetsku efikasnost u javnim objektima ulažemo 25.375.916 KM, tako što će se utopliti 160 stambenih i 40 javnih objekata. **U smanjenje zagađenosti** ulažemo 7.222.000 KM, **u zaštitu životne sredine** 3.352.300 KM, a za bolje upravljanje otpadom 410.000 KM. Nabavit ćemo 5.000 novih korpi i kontejnera. Za smanjenje i uspostavu **prečišćavanja procjednih voda** na deponiji Smiljevići osigurali smo 3.000.000 KM. Subvencionisimo gasne priključke sa 350.000 KM i nabavke vozila na električni pogon sa 150.000 KM.
- Za projekt sanacije vodovodnog sistema u Kantonu Sarajevo izdvajamo 48.895.750 KM.
- **Povećavamo sigurnost.** U nabavku opreme i vozila za Civilnu zaštitu Kantona Sarajevo obezbeđeno je 1.700.000 KM. Za nabavku helikoptera predviđeno je 27.404.000 KM. Uprava policije će dobiti novu specijalnu opremu u vrijednosti 3.440.000 KM, a gradimo novi objekt za potrebe MUP-a u iznosu 3.500.000 KM. Za dodatnu sigurnost građana osigurano je 710.000 KM za nabavku radarskih sistema. Osigurali smo 883.000 KM za školovanje na policijskoj akademiji.
- **Unapređujemo zdravstvo.** Za nabavku opreme, izgradnju i rekonstrukciju zdravstvenih ustanova obezbeđeno je 5.330.000 KM. Za zdravstveno osiguranje trudnica, porodilja, učenika i studenata izdvajamo 260.000 KM. Za programe prevencije, očuvanje i unapređenje zdravlja stanovništva Kantona Sarajevo, osigurano je 1.251.400 KM.
- **Za nabavku opreme** KJKP "Park" osigurano je 500.000 KM, a za KJKP "Rad" 400.000 KM.
- **Stipendiramo učenike i studente** sa 350.000 KM, a finansiramo rad Studentskog centra sa 1.350.000 KM.
- **Pružamo podršku** radu prihvatišta pasa latalica sa 2.000.000 KM.

PAMETAN KANTON SARAJEVO



- Puštamo u rad "Registar finansijskih obaveza u Kantonu Sarajevo" i "Registar javnih potraživanja u Kantonu Sarajevo".
- Izrađujemo aplikaciju za **online registraciju firmi i obrta**.
- **Ulažemo u nauku.** U program nauke ulažemo 2.800.000 KM, a za podršku mlađim talentima 100.000 KM. Nastavljamo sufinansirati predškolski odgoj sa 1.700.000 KM, nabavku udžbenika za učenike osnovnih škola sa 150.000 KM, te za osiguranje školskih objekata i opreme – 200.000 KM. Za reformu nastavnih planova i programa zasnovanih na ishodima učenja planiramo 800.000 KM.
- Pokrećemo "Kontakt centar – usluga za građane"
- **Unapređujemo digitalizaciju procesa.** Planiramo uvođenje software-a za projekat "E vozački" u iznosu od 200.000 KM
- Unapređujemo upravljanje procesom trezorskog poslovanja u KS kroz digitalnu aplikaciju.
- Unaprijedujemo informacioni sistem EMIS uz izradu modula "E dnevnik" za srednje škole u iznosu od 200.000 KM.
- Uvodimo "Digitalnu platformu" za što je predviđeno 400.000 KM.
- U informacioni sistem EMIS za predškolske ustanove ulažemo 200.000 KM.
- Za realizaciju dualnog obrazovanja planiramo 50.000 KM.

20ZA20
KANTON SARAJEVO